

Naqqiut nr. 2

Naqqiut 5. november 2019-imeersoq taarserpaa

(Akissuteqaat Aningaasaqarnermut Akileraartarnermullu Ataatsimiititaliap ilassutitut isumaliutissiissutaa tunngavigalugu iluarsineqarpoq.)

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat

(Aningaasaqarnermut Nunanilu Avannarlerni suleqatigiinnermut Naalackersuisoq)

Akissuteqaat

(Aningaasaqarnermut Nunanilu Avannarlerni suleqatigiinnermut Naalackersuisoq)

Aappassaaneerneqarnera

Naalackersuisut sinnerlugit isumaliutissiissutaanut ilassutitullu isumaliutissiissutaanut qujavunga.

Aappassaaneerinninnissaq sioqqullugu Naalackersuisut allannguutissatut siunnersuutiniq marlunnik immikkoortitanik saqqummiussipput. Allannguutissatut siunnersuutit tamarmik akuersissutigineqarnissaat inassutigineqarpoq.

PET-mit aningaasarsiat ilaannik akileraarusersuinnginnissamut aamma soraarnerussutisiaqalernissaq siunertaralugu ileqqaakkat pillugit teknikkikkut allannguutit pillugit inatsisit allanngortinneqarnissaat amerlanerussuteqarluartunit tapersersorneqarnera Naalackersuisut iluarisimaarlugu maluginiarpaat. Taamattaaq allannguutissatut siunnersuut Naalackersuisunit saqqummiunneqartoq siulleq, teknikimut tunnganerusoq, akuersissutigineqartussatut Ataatsimiititaliamit inassutigineqarpoq.

Taamattaaq suliffeqarnermut ilanngaammik atulersitsinissaq, taannalu pillugu siunnerfiit ataatsimiititaliami amerlanerussuteqarluartunit tapersersorneqarput. Taamaalillunilu sulinermut ilanngaat pillugu maleruagassat qaqugu atulernissaat taamaalillutillu innuttaasunut iluaqutaalernissaat apeqqutini kiserngoruppoq.

Ataatsimiititaliap aappassaaneerinninnermut atatillugu isumaliutissiisummini kaammattuuteqarnera tunuliaqutaralugu aappassaaneerinninnissamut atatillugu Naalackersuisut allannguutissatut siunnersuummik allamik saqqummiussipput. Allannguutissatut siunnersuutip malitsigisaanik siunnersuut siunnersuutigineqartutut atuutilissaaq, peqatigisaanilli sulinermut ilanngaatip qaammatikkaartumik tunniunneqartarnissaa pillugu aalajangersakkanik, nalunaarummi atuutsinneqalertussanik, ilanngussisoqarluni. Qaammatikkaartumik tunniussisarnissaaq pillugu maleruagassat

atuutsinneqalerpata, ukiumoortumik tunniussisarnerit pillugu maleruagassat atorunnaassapput.

Taamaalilluni sulinermit ilanngaat ulloq 1. januar 2020 naatsorsuutigineqaqqaartutut atuutsinneqalersinnaassaaq, taamaalillunilu ukiup tulliani innuttaasunut iluaqutaassalluni.

Ataatsimiititaliap saqqummiussai tunuliaqutaralugit Akileraartarnermut Aqutsisoqarfik sulinermit ilanngaatip qaammatikkaartumik akilerneqartarneranik aaqqissuussinermik ineriartortitsinermit atuutilersitsinermillu aningaasartuutissatut missingiummik suliaqarnissamik qinnuigineqarnera Naalakkersuisut ilanngullugu paasissutissiissutigissavaat. Ulloq 1. januar 2021 aallarnerfigalugu sulinermit ilanngaatip qaammatikkaartumik akilerneqartarnissaa siunertaralugu, qarasaasianik atortorissaarutininik maanna pigineqartuninik IT-mi allannguinnissaninik ineriartortitsinerit atuutilersitsinerillu 12 aamma 15 mio. kr.-t missaanninik IT-mut aningaasartuuteqarfiunissaat Akileraartarnermut Aqutsisoqarfiup missingerpaa. Tamatuma saniatigut aaqqissuussinerup allaffissornikkut isumagineqarnissaanut sulisunik immikkut ilinniarsimasunik atorfinitsitsinissaq siunertaralugu ukiumut aningaasartuutit 5 mio. kr.-t missaanninik annertussuseqarnissaat Akileraartarnermut Aqutsisoqarfiup missingerpaa. Missingiutit taakku annertuumik nalorninartorta qarput. Taamaammatt aningaasartuutaajumaartussat taakku ineriartortitsinerup piffissami sivisunerusumi ingerlanneqarneratigut appasinnerusinnaaneratt peqatigisaaninik ilimagineqarpoq.

Aningaasaqarnermut Akileraartarnermullu Ataatsimiititaliap ilassutitut isumaliutissiissummini allannguutissatut siunnersuutit taakku tamarmik akuersissutigineqarnissaat siunniuppaa. Taamaattoq ataatsimiititaliami amerlanerussuteqartut pingajussaaneerinninnissaq sioqqullugu allannguutissatut siunnersuummik Naalakkersuisut saqqummiussinissaanninik kaammattuuteqarput, tassanilu sulinermit ilanngaat qaammatikkaartumik akilerneqarsinnaalerneratigut aatsaatt atuutilissasoq tunngavissaatinneqarpoq.

Ilanngaatip ukiumi isertitaqarfiusoq 2020 aallarnerfigalugu innuttaasunut iluaqutaalernissaa pingaartoq Naalakkersuisut isumaqarput. Tamatumalu saniatigut qaammatikkaartumik sulinermit ilanngaammik tunniunneqartartumik ineriartortitsinermit pisariaqartumik eqqissilluni sulisoqarnissaanut periarfissiinnissaq pingaaruteqarpoq, taamaaliornikkut pisortanut nunatsinnilu sulisitsisunut iluaqutaasunik aaqqiinernik naapertuuttunik atuutilersitsisoqarsinnaaqullugu.

Tamannalu tunuliaqutaralugu ataatsimiititaliami amerlanerussuteqartut taanna pillugu kaammattuutaata akuerineqarnissaa Naalakkersuisut inassutiginnigilaat. Ataatsimiititaliap tunngavilersuuttai Naalakkersuisut soorunami paasilluarpaat, aappatigulli 2020-mitt atuutilersumik sulinermit ilanngaammik atuutilersitsinissamik naalakkersuisooqatigiinnermit isumaqatigiissummi tamanut neriorsuinerup aalajangiuserisimeqarnissaa Naalakkersuisut pingaartippaat.

Taamatut oqaaseqarlunga matumuuna siunnersuut oqaluuserisassanngortippara.